

標點  
評註

古文辭類纂

續編



第一冊

上海廣益書局刊行

# 原序

自桐城方望溪氏以古文專家之學。主張後進。海峯承之。遺風遂衍。姚惜抱稟其師傳。覃心冥追。益以所自得。推究闡奧。開設戶牖。天下翕然。號爲正宗。承學之士。如蓬從風。如川赴壑。尋聲企景。項領相望。百餘年來。轉相傳述。徧於東南。由其道而名於文苑者。以數十計。嗚呼。何其盛也。自聖清宰世。用正學風厲薄海。耆碩輩出。講明心性。恢張義理。厥後鴻生鉅儒。逞志浩博。鉤研訓詁。繁引曲證。立漢學之名。詆斥宋儒言義理者。惜抱自守孤芳。以義理考據詞章三者不可一闕。義理爲幹。而後文有所附。考據有所歸。故其爲文。源流兼賅。粹然一出於醇雅。當時相授受者。特其門弟子數輩。然卒流風餘韻。沾被百年。成就遠大。逐末者不閤。而知道者常勝。詎不信與。道光末造。士多高語。周秦漢魏。薄清淡簡樸之文。爲不足爲。梅郎中曾文正之倫。相與修道立教。惜抱遺緒。賴以不墜。逮粵寇肇亂。禍延海宇。文物蕩盡。人士流徙。展轉至今。困猶未蘇。京師首善之區。人文之所萃集。求如昔日梅曾諸老。聲氣冥合。蕭管翕鳴。邈然不可復得。而況山

陬海澨。奔陋寡儔。有志之士。生於其間。誰與祓濯而振起之乎。觀於學術盛衰升降之源。豈非有心世道君子責也。惜抱古文辭類纂。開示準的。賴此編存。學者猶知遵守。余輒師其意。推求義法淵源。采自乾隆迄咸豐間。得三十九人。論其得失。區別義類。竊附於姚氏之書。亦當世著作之林也。後有君子以覽觀焉。

光緒八年春二月長沙王先謙

# 序

秦漢而降。文氣寢弱。凌夷至於魏晉六朝。委靡不振。卽有一二特出者。亦僅矣。自唐中葉。昌黎崛起。竟能起八代之衰。超邁前賢。使文風一變而爲古。直追秦漢以上之。挽旣倒之狂瀾。作中流之砥柱。宜乎世之學者。咸奉爲泰山北斗。儼然有前無古後無今之概。洵若是。則人有古今。而文無古今也。誰謂古今人不相及耶。夫旣文無古今。而猶別其名曰古文。此何以故。是對於時文而言之也。時文卽八股文。明清科舉時代。以之取士。雖與駢四儷六之文異。而分股排比。定有範圍。規行矩步。束縛拘牽。譬如駿馬駕車。局促轅下。又豈能逐電追風。而盡其一日千里之才哉。洎乎遜清末季。知時文之不足尙。改試經義策論。居然有復古之風。且又創興學校。效法美歐。頗存革故鼎新之意。無如人心渙散。民氣澆漓。武漢間奮臂一呼。而天下事已不可爲矣。今者民國肇興。百廢具舉。首重學校。各省區大小林立。什伯倍於曩時。在上者又恐文言深晦。不易了解。另用國語以救濟之。然而國語粗淺。僅可爲誘引小學之方針。句法究嫌支蔓。不適於

行文所用。亦一憾事焉。所以中大兩學。復於國語外注重文言。學者欲窺文言之門徑。得悉文言之奧窔。與夫文言之作法者。則舍古文其誰與歸。吾人有鑒於斯。故於古文辭類纂正編外。復取續集一編。爲中大學校自修之範本。實緣續編之中。俱係前清各大名家之傑作。去今未遠。其文不淺不深。曰簡曰潔。較之正編尤宜學步。因是重加釐訂。附以標點。且用白話註釋。列入中間字句之下。務使讀者一覽而知。毋煩檢取。卽篇後不加對照之白話文。而有中大程度者。亦何難心領而神會哉。是爲序。

民國二十四年一月上浣江蔭香序於滬上之筆花樓。

## 原纂例略

論辨類。元六十五。續四十一。序跋類。元五十八。續一百四。奏議類。元八十三。續無。今之奏議。要在明切事理。古義美辭。所弗尙也。體既專行。不入茲錄。書說類。元八十五。續書六十四。說無。贈序類。元五十三。續二十七。詔令類。元三十六。續無。傳狀類。元十八。續三十三。碑誌類。元一百。續八十。雜記類。元七十六。續七十五。箴銘類。元二十四。續九。贊頌類。元六。續贊六。頌無。辭賦類。元五十八。續無。風雅變體。取工駢儷。

國朝諸家。尤罕沿襲。間有述作。不復甄采。哀祭類。元三十八。續十七。

纂集斷自乾隆以降。故薑塢梅崖與焉。姬傳受業薑塢。復與殿麟。悔生師海峯。臺山絜非師梅崖。碩士學於絜非。更事姬傳。姬傳之徒。伯言、異之、孟涂、植之、最著。碩士行輩差先。伯言其年家子。異之、典試所得士也。仲倫、春木、生甫、出姬傳門。少後。薑塢曾孫碩甫。亦姬傳高弟子。而名業特顯。不徒以文稱。秋士、品詣孤峻。尺木其族子。究心理學。尤與臺山善。子居、皋文、私淑海峯。同時拔起者。小硯、祁孫。其尤也。湘泉善碩甫。而與星

叔相先後。月滄歸嚮桐城。嘗問道於仲倫。春木以所學倡於粵西。其鄉人伯韓、子穆、翰臣、定甫。亦請業伯言。子序、通甫、位西、子餘。皆從伯言講論者也。石州以樸學鳴。與伯言論不合。魯川兼師兩人。異之子小異。傳父業而早卒。植之之門。惟存莊著稱焉。曾文正公亟許姬傳。至列之聖哲畫像記。以爲粗解文章。由姚先生啓之也。然羣其職貌。略不相襲。道不可不一。而法不必盡同。斯言諒哉。南屏沈思孤往。其適於道也。與姚氏無不合。學者讀文正歐陽生文集序。及南屏與篠岑論文派書。百餘年文人承嬗離合之迹。略可覩矣。

自惜抱繼方劉爲古文學。天下相與尊尙其文。號桐城派。當海峯之世。有錢伯垌、魯思從。受其業。以師說稱誦於陽湖。惲子居、武進張皋文、子居、皋文。遂棄其聲韻考訂之學。而學古文。於是陽湖古文之學特盛。陸祁孫七家文鈔序言之。此陽湖爲古文者自述其淵源。無與桐城角立門戶之見也。立言之道。義各有當而已。愚柔者仰企而不及。賢知者則務爲浩侈。不肯自抑其才。姚氏見之真。守之嚴。其撰述有以入乎人人之心。如規矩準繩。不可踰越。迺古今天下之公言。非姚氏私言也。宗派之說。起於鄉曲競名。

者之私。播於流俗之口。而淺學者據以自便。有所作弗協於軌。迺謂吾文派別焉耳。近人論文。或以桐城陽湖辭爲二派。疑誤後來。吾爲此懼。更有所謂不立宗派之古文家。殆不然與。

昔嘗病孫可之與友人論文書。稱其所受真訣。自來無擇。皇甫持正、上溯昌黎。稱舉至再。如小兒得餅。矜銜不已。皇孫二家文集。視昌黎相去何如。覽者自得之。來氏泯無聞焉。可之自鳴。非篤論也。惜抱振興絕學。海內靡然從風。其後諸子各詡師承。不無繆附。孟長卿言田生枕鄰傳經。祇以取譏同門。若文章之事。高下粲殊。開卷卽得。無待證明也。梅氏浸淫於古。所造獨爲深遠。其志固不屑爭得失於一先生之前矣。曾文正公以雄直之氣。宏通之識。發爲文章。冠絕今古。其於惜抱遺書。篤好深思。雖警欬不親而涂跡竝合。學者將欲杜歧趨。遵正軌。姚氏而外。取法梅曾足矣。其餘諸家駢列。所得洪纖。各不相掩。僕有恆言。文士畢生苦志。身後之名。後來者當共護惜之。苟有可取。勿遽末殺。區區寸抱。幸高識者諒焉。

是編刼始。聞見苦隘。桐城蕭穆敬甫。於其鄉先輩遺文。及海內名家專集。儲藏略備。

遠道見餉。數逾百種。往復論列。裨益宏多。成書後。就正於吳冀州汝綸。摯甫開示大義。匡我不逮。可謂直諒多聞。當代之益友也。周自庵先生商榷之餘。間加評論。輒爲某人。生平於師友寸善。拳拳服膺。增書簡端。以志永矢。

## 例略

一 本編仍照原纂。無增無減。文後評語。一如其舊。惟加新式標點。移取箋註列入字句之下。以省檢查之勞。故易稱爲標點評註續古文辭類纂。

二 原書共有三十四卷。以論辨序跋等分爲門類。固屬甚善。然一論辨而判爲三卷。一序跋而別爲四卷。似可不必。故以三十四卷。分爲四大卷。較爲簡截。

三 字句下之註釋。純用文言。今皆改換白話。使讀者易於明瞭。不煩思索。惟引證典故。仍錄文言。以留真相。

四 原書之註。重見疊出。今因節省篇幅。刪繁就簡。凡已見前篇者。恕不再錄。但其中有人名地名等。有不易記取者。則註見前某某篇。以免讀者猝難檢出。

五 字之不習見者。本書則附註直音。其無直音者。則用切音。均在該字之下。使學者不致誤讀字音。

六 本編除去濃圈密點。加入新式標點。一則趨合潮流。二則備學校之觀覽。如其中

續古文辭類纂 例略

有謬誤處。還請海內名家有以教正之。則幸甚。

## 姓氏爵里誌略

姚範字南青號薑塢安徽桐城人乾隆七年進士改庶吉士散館授編修三十一年卒年七十著有援鶉堂文集六卷 國史文苑有傳

朱仕琇字斐瞻號梅崖福建建寧人乾隆十三年進士改庶吉士散館以知縣用選山東夏津縣以足疾改福寧府教授四十五年卒年六十六著有梅崖文集三十卷外集八卷 國史文苑有傳

彭績字其凝更字秋士江蘇長洲人布衣乾隆五十年卒年四十四著有秋士先生遺集六卷

彭紹升字允初號尺木江蘇長洲人乾隆二十六年進士著有二林居集二十四卷一行居集若干卷

羅有高字臺山江西瑞金人優貢生著有尊聞居士文集

姚鼐字姬傳一字夢穀範弟淑之子乾隆二十八年進士改庶吉士散館改禮部主事

遷刑部郎中嘉慶十五年重宴麻鳴 賞四品銜二十年九月卒年八十五著有惜抱

軒文集二十五卷 國史文苑有傳

魯仕驥

國史作九舉

字絜非江西新城人乾隆三十六年進士選山西夏縣知縣有惠政以積

勞卒官著有山木集 國史文苑有傳

吳定字殿麟號澹泉安徽歙縣人諸生舉嘉慶元年孝廉方正著有紫石泉山房文集  
十二卷

秦瀛字凌滄一字小峴號途庵江蘇無錫人舉人乾隆四十一年南巡召試賜內閣中  
書官至刑部右侍郎道光元年七月卒年七十九著有小峴山房文集 國史大臣有  
傳

惲敬字子居江蘇陽湖人乾隆四十八年舉人由咸安宮官學教習歷任浙江江山山  
東平陰江西新喻瑞金知縣以事去官卒年六十一著有大雲山房文集四卷二集四  
卷續編一卷言事二卷

王灼字悔生號濱麓一號晴園安徽桐城人乾隆五十一年舉人六十年大挑選東流

縣教諭嘉慶二十四年五月卒著有悔生文集八卷

張惠言字皋文江蘇武進人嘉慶四年進士改庶吉士散館授編修七年六月卒年四十二著有茗柯文集初二三四編

陸繼輅字祁孫江蘇陽湖人舉人著有崇百藥齋文初二三續集

陳用光字碩士一字實思江西新城人嘉慶六年進士改庶吉士散館授編修官至禮部左侍郎道光十五年八月卒年六十八著有太乙舟文集八卷 國史大臣有傳

姚瑩字碩甫範曾孫嘉慶十三年進士由知縣官至廣西按察咸豐二年八月卒著有東溟文集六卷外集四卷續集五卷

鄧顯鶴字子立號湘皋湖南新化人嘉慶九年舉人官寧鄉縣訓導咸豐元年閏八月卒年七十五著有南村草堂文鈔二十卷

周樹槐字星叔湖南長沙人嘉慶十四年進士歷官山西沁源江西吉水知縣著有壯學齋文集十二卷

呂璜字禮北號月滄廣西永福人嘉慶十六年進士歷官浙江慶元奉化山陰錢塘知

縣以廉能稱升杭州西塘海防同知因會檢德清民婦徐蔡氏屍骨不實革職道光十八年卒年六十一著有月滄文集八卷

劉開字方來號孟塗安徽桐城人布衣著有孟塗文集十卷

姚椿字春木一字子壽江蘇婁縣人布衣著有通藝閣文集

毛嶽生字生甫江蘇寶山人布衣著有休復居文集六卷

吳德旋字仲倫江蘇宜興人諸生著有初月樓集

管同字異之江南上元人道光五年舉人卒年四十七著有因寄軒文初集十卷二集

六卷補遺一卷

梅曾亮字伯言江南上元人道光二年進士以知縣用改捐郎中咸豐五年卒著有柏

枏山房文集十六卷

方東樹字植之安徽桐城人增生咸豐元年五月卒年八十著有儀衛軒文集十二卷

張穆字石州山西平定州人優貢生道光二十九年卒年四十一著有島齋居士文集

八卷

朱琦字濂甫號伯韓廣西桂林人道光十五年進士改庶吉士散館授編修遷給事中  
以守廣西省城功擢道員留浙江候補咸豐十年浙江省城陷殉難著有怡志堂集八  
卷

馮志沂字述仲號魯川山西代州人道光十六年進士官至安徽廬州府知府著有微  
尚齋文集

曾國藩字伯涵號滌篁湖南湘鄉人道光十八年進士改庶吉士散館授檢討官至武  
英殿大學士兩江總督以平粵匪功封一等毅勇侯世襲同治十一年卒 特諡文正  
著有文集四卷

吳嘉賓字子序江西南豐人道光十八年進士改庶吉士散館授編修同治三年賊陷  
南豐殉難著有求自得之室文鈔十二卷

龍啓瑞號輯五字翰臣廣西臨桂人道光二十一年進士授修撰官至江西布政使著  
有經德堂文集十四卷

彭昱堯字子穆廣四平南人舉人著有致翼堂文集

王拯元名錫振字定甫號少鶴廣西馬平人道光二十一年進士官至通政使著有龍壁山房文集

邵懿辰字位西浙江仁和人舉人由內閣中書遷刑部員外郎充軍機章京發往東河咸豐四年以濟寧防河無效去職十一年十一月賊陷浙江殉難著作散佚曾文正公爲梓其遺文一卷

魯一同字通甫一字蘭岑江蘇山陽人道光十五年舉人著有通甫類稿四卷續編二卷

戴鈞衡字存莊安徽桐城人舉人著有味經山館文集四卷續集三卷

孫鼎臣字子餘號芝房湖南善化人道光二十五年進士改庶吉士散館授編修官至翰林院侍讀著有蒼簣文集六卷

管嗣復字小異同之子諸生通算學能文早卒同遂無後文附同集

吳敏樹字南屏湖南巴陵人舉人官瀏陽縣訓導著有杵湖文集十二卷